



REPUBLIKA E SHQIPËRISË  
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 11 Shkurt 2022

Nr: 69

V E N D I M

P Ë R

**REGJISTRIMIN E KANDIDATIT PËR KRYETAR NË BASHKINË SHKODËR TË  
PROPOZUAR NGA “PARTIA DEMOKRATIKE”, Z. XHEMAL ESAT BUSHATI PËR  
ZGJEDHJET E PJESSHME VENDORE PËR KRYETAR BASHKIE TË DATËS  
6 MARS 2022**

Në mbështetje të Dekretit të Presidentit të Republikës nr. 13 438, datë 20.01.2022 “Për caktimin e datës së zgjedhjeve të pjesshme vendore për kryetar bashkie për disa njësi të qeverisjes vendore”, të nenit 19, pikat 1, shkronja “n” e 2, nenit 67, pika 2, nenit 72, nenit 73, nenit 165, pika 1, të ligjit nr. 10019, datë 29.12.2008 “Kodi Zgjedhor i Republikës së Shqipërisë” të ndryshuar, nenit 5, pika 4, shkronja “a” të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, Kreu V, të vendimit të Kuvendit nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, të udhëzimit nr. 01, datë 23.12.2020, të Komisionerit Shtetëror të Zgjedhjeve, “Për përcaktimin e rregullave për depozitimin e verifikimin e dokumentacionit të kandidimit, afatet për publikimin e listave të kandidatëve dhe miratimin e modeleve të kandidimit” si dhe të vendimi nr. 2, datë 22.1.2022 “Për miratimin e disa afateve procedurale që lidhen me zgjedhjet e pjesshme për kryetar në bashkitë Shkodër, Dibër, Durrës, Vorë, Rrogozhinë dhe Lushnjë, që do të zhvillohen më datë 6 Mars 2022”, pasi shqyrtoi dokumentacionin e depozituar për regjistrimin e kandidatit për kryetar bashkie për zgjedhjet e pjesshme vendore që do të zhvillohen në datën 6 Mars 2022, Komisioneri Shtetëror i Zgjedhjeve



Data: 11 Shkurt 2022

Nr. 69

“Për regjistrimin e kandidatit për kryetar në bashkinë Shkodër të propozuar nga “Partia Demokratike”, z. Xhemal Esat Bushati për zgjedhjet e pjesshme vendore për kryetar bashkie të datës 6 Mars 2022”

## V Ë R E N:

Presidenti i Republikës, me Dekretin nr. 13 438, datë 20.01.2022, ka caktuar datën 6 Mars 2022, për zhvillimin e zgjedhjeve të pjesshme për kryetar bashkie në Bashkinë Shkodër, Bashkinë Dibër, Bashkinë Durrës, Bashkinë Vorë, Bashkinë Rrogozhinë dhe Bashkinë Lushnjë.

Komisioneri Shtetëror i Zgjedhjeve me vendimin nr. 33, datë 2.2.2022, “Për shqyrtimin e kërkesës së partisë Demokratike për regjistrimin si subjekt zgjedhor për zgjedhjet e pjesshme vendore për kryetar bashkie të datës 6 Mars 2022”, ka regjistruar si subjekt zgjedhor në zgjedhjet e pjesshme vendore për kryetar bashkie të datës 6 Mars 2022, “Partia Demokratike”, me kryetar z. Lulzim Basha.

Në zbatim të pikës 2, të vendimit nr. 2, datë 22.1.2022 “Për miratimin e disa afateve procedurale që lidhen me zgjedhjet e pjesshme për kryetar në bashkitë Shkodër, Dibër, Durrës, Vorë, Rrogozhinë dhe Lushnjë, që do të zhvillohen më datë 6 Mars 2022”, “Partia Demokratike” ka depozituar në KQZ kërkesën për regjistrimin e z. Xhemal Esat Bushati, si kandidat për kryetar në bashkinë Shkodër.

Në bazë të nenit 67, pika 2, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar, Komisioni Qendror i Zgjedhjeve regjistron kandidatët për kryetar në bashkinë Shkodër, pasi bashkia Shkodër, nuk administrohet nga një KZAZ e vetme.

Bashkëlidhur kërkesës është depozituar dhe dokumentacioni përkatës si më poshtë listuar:

1. Kërkesë e partisë politike për regjistrimin e kandidat për kryetar, në bashkinë Shkodër.
2. Kopje të dokumentit të identifikimit të kandidatit për kryetar bashkie.
3. Nuk është depozituar deklarimi i llogarisë bankare të posaçme, të kandidatit për kryetar në bashkinë Shkodër, z. Xhemal Esat Bushati, sipas Model 03/1 të Udhëzimit, për shkak se neni 92/2, i Kodit Zgjedhor, detyron kandidatin për kryetar bashkie hapjen e një llogarie të tillë, nëse planifikon të pranojë dhurime për fushatë zgjedhore në vlerë më të madhe se 50 mijë lekë.
4. Deklarata e kandidatit ku deklarohen të gjitha elementet e përcaktuara në shkronjat “b” e “c”, të nenit 72, të Kodit Zgjedhor, sipas Model 05.
5. 9 (nëntë) vërtetime të Kuvendit të Republikës, nëpërmjet së cilave vërtetohet zotërimi i mandateve nga deputetë të subjektit zgjedhor "Partia Demokratike".
6. Jetëshkrimi i kandidatit për kryetar bashkie, sipas Model 07 të Udhëzimit.
7. Formulari i vetëdeklarimit të kandidatit për kryetar në bashkinë Shkodër, z. Xhemal Esat Bushati, me nr. 19 unik, datë 9.2.2022.
8. Procesverbal i dorëzimit të dokumentave, sipas Model 08 të Udhëzimit.



Z. Xhemal Esat Bushati, në përputhje me parashikimet e nenit 5, pika 4, shkronja “a” të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, ka depozituar në Komisionin Qendror të Zgjedhjeve formularin e vetëdeklarimit, si organi kompetent për administrimin, verifikimin, zbatimin e ndalimeve për zgjedhjen dhe emërimin në funksionin publik ku përfshihet dhe funksioni i kryetarit të bashkisë.

Nga verifikimi prima facie i formularit të vetëdeklarimit të kandidatit për kryetar në bashkinë Shkodër, Qarku Shkodër, z. Xhemal Esat Bushati rezulton se, nuk ka deklaruar asnjë të dhënë që ka të bëjë me parashikimet për ndalime në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”.

Komisioni Qendror i Zgjedhjeve, në zbatim të ligjit, nr. 138/2015 dhe Kreut V, pika 2, shkronja “b” dhe pika 3, shkronja “c”, të vendimit nr. 17/2016 të Kuvendit, me shkresën nr. 677 prot., datë 10.02.2022 ka kërkuar informacion nga zyra e gjendjes civile dhe me shkresën nr. 676 prot., datë 10.02.2022 ka kërkuar informacion nga zyra e gjendjes gjyqësore për kandidatin për kryetar bashkie në bashkinë Shkodër, Qarku Shkodër, që ka dorëzuar formularin e vetëdeklarimit në Komisionin Qendror të Zgjedhjeve, si dhe ka bërë publikimin e formularit të vetëdeklarimit në faqen zyrtare të internetit.

Drejtorja e Përgjithshme e Gjendjes Civile, nuk i ka kthyer ende përgjigje kërkesës sonë për verifikimin e të dhënave për kandidatin për kryetar në bashkinë Shkodër, Qarku Shkodër, z. Xhemal Esat Bushati.

Drejtorja e Përgjithshme e Gjendjes Gjyqësore, me shkresën nr. 1490/1 prot., datë 10.02.2022, ka dërguar në Komisionin Qendror të Zgjedhjeve, verifikimin e gjendjes gjyqësore për kandidatin për kryetar në bashkinë Shkodër, Qarku Shkodër, z. Xhemal Esat Bushati, i cili rezulton se nuk ka të regjistruar dënim penal të formës së prerë, është i padënuar.

Referuar ligjit, nr. 138/2015 dhe Kreut V, të vendimit nr. 17/2016, të Kuvendit, “të dhënat e deklaruara në formularin e vetëdeklarimit dhe informacionit të ardhur nga Drejtorja e Përgjithshme e Gjendjes Gjyqësore, për kandidatin për kryetar në bashkinë Shkodër, Qarku Shkodër, z. Xhemal Esat Bushati, nuk përbëjnë kusht për mosregjistrimin e kandidatit, për zgjedhjet e pjesshme vendore për kryetar bashkie të datës 6 Mars 2022.

Komisioni Qendror i Zgjedhjeve, bazuar në nenin 73, pika 1, të Kodit Zgjedhor, në mbledhjen e datës 11.2.2022, verifikoi dokumentacionin e kandidatit për kryetar në bashkinë Shkodër, të depozituar nga “Partia Demokratike” dhe konstatoi se ishte në përputhje me kërkesat e parashikuara në nenin 67, pika 2, nenin 72, 165, pika 1 dhe 173 të Kodit Zgjedhor.



## PËR KËTO ARSYE:

Bazuar në nenet 19, pikat 1, shkronja “n” e 2, nenit 67, pika 2, nenit 72, nenit 73, nenit 165, pika 1, të ligjit nr. 10019, datë 29.12.2008 “Kodi Zgjedhor i Republikës së Shqipërisë” të ndryshuar, nenit 5, pika 4, shkronja “a” të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, Kreu V, të vendimit të Kuvendit nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, të udhëzimit nr. 01, datë 23.12.2020, të Komisionerit Shtetëror të Zgjedhjeve, “Për përcaktimin e rregullave për depozitimin e verifikimin e dokumentacionit të kandidimit, afatet për publikimin e listave të kandidatëve dhe miratimin e modeleve të kandidimit” si dhe të vendimi nr. 2, datë 22.1.2022 “Për miratimin e disa afateve procedurale që lidhen me zgjedhjet e pjesshme për kryetar në bashkitë Shkodër, Dibër, Durrës, Vorë, Rrogozhinë dhe Lushnjë, që do të zhvillohen më datë 6 Mars 2022”

## VENDOSI:

1. Të regjistrojë si kandidat për kryetar në bashkinë Shkodër, për zgjedhjet e pjesshme vendore për kryetar bashkie të datës 6 Mars 2022, z. Xhemal Esat Bushati të propozuar nga “Partia Demokratike”.
2. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.
3. Kundër këtij vendimi mund të bëhet ankim brenda 24 (njëzet e katër) orëve nga data e shpalljes të këtij vendimi, në Komisionin e Ankimimeve dhe Sanksioneve.

**Komisioneri Shtetëror i Zgjedhjeve**

**Ilirjan CELIBASHI**

